



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Acta Synodalia Osnabrvgensis Ecclesiae, Ab Anno Christi
MDCXXVIII.**

Brogberen, Johannes

Coloniae Agrippinae, 1657

De litigantibus super una Praebenda in aliqua Ecclesia Dioecesis
Coloniensis. 34

urn:nbn:de:hbz:466:1-14298

XXXIV. *De litigantibus super una Præbenda in aliqua Ecclesia Diœcesis Coloniensis.*

Quum verò plerumq; contingat, quod vacante præbenda in aliqua Ecclesia Civitatis vel Diœcesis Coloniensis, in qua duo vel plures, autoritate Sedis Apostolicæ vel Legatorum ejus, aut quavis alia autoritate, ius se afferunt habere, & per Executores suos seu quoscunq; alios se procurant mitti in possessionem corporalem præbendæ ipsius, cujus occasione missionis, de hujusmodi præbenda contententes, bona, res & jura ipsius Ecclesiæ tam intra Immunitatem quam extra, indifferenter rapiunt & invadunt, seu per sæculare judicium occupari vel arrestari procurant, sententias excommunicationis in * certas personas de Capitulo, & suspensionis in Capitulum, nihilominus à suis executoribus fulminari facientes, propter quod in rebus & personis, tam spiritualibus quam in temporalibus, Ecclesiæ non modicum detrimentum sustinent & jacturam: Statuimus, ut, cum in aliqua Ecclesia casus hujusmodi emergerit, Decanus & Capitulum illius Ecclesiæ, autoritate hujusmodi Constitutionis, sibi faciant literas authenticas & instrumenta, quibus sic contententes uti voluerint pro Iure suo, hinc inde à partibus exhiberi, & convocatis Capitulo & Prioribus Coloniensibus, qui præsentibus fuerint & haberi commode potuerint, per eos ad hoc vocatis jurisperitis, qui visi fuerint expedire; per quos hujusmodi quæstio & discordia decidatur, & eorum discussione seu sententiæ stet, & inviolabiliter observetur. Et, si Capitulum & Priores, propter difficultatem Iuris vel alias causas legitimas, quæstionem hujusmodi decidere non poterunt, nec decidunt, causam eandem ad curiam Domini Papæ decidendam transmittant, præfigentes partibus terminum competentem, quo se conspectui Papæ representent, cum omnibus suis monumentis & documentis justitiam recepturæ. Causa vero & quæstione hujusmodi durante, medietas fructus Præbendæ vacantis in usus cedat Ecclesiæ; & reliqua pars alicui idoneæ personæ, quæ deferviat in ordine, quem defuncti præbenda requisierit, deputetur. Et, si qua Partium sententiam pro se in Curia habuerit, & in causa evicerit, fructus ejusdem præbendæ de mandato Domini Papæ, Capitulo præsentato, cessante occasione qualibet, ministretur. Si qua vero partium, Literarum suarum copiam facere, & hoc Statutum subire contumaciter renuerit, & de sua potentia vel malitia confisa, bona Ecclesiæ invadere ac rapere temere & irreverenter, Dei timore postposito, præsumperit, contra ipsam partem, tanquam

* tertias.

Cap. 4.

contra raptorem bonorum Ecclesiæ, ut supra dictum est, procedatur.

Statuimus etiam, ut hæc, non solum ad futura hujusmodi negotia, sed etiam ad præsentia & præterita, à tempore electionis Nostræ extendantur.

XXXV. *Ne aliquis Clericus sacrilegis excommunicatis, aut usurariis, assistat, vel eos defendat.*

Cum, salvis poenis, statutis tam in Iure Canonico quam Civili, & coërcitione Nostræ Ordinariæ potestatis contra injuriatores Ecclesiarum & personarum Ecclesiasticarum, prædictis modis & aliis qui ad hoc videntur expedire, providerimus procedendum: statuimus, ut personis quibuscunq; qui manus in Clericos aut Religiosos injiciunt, vel * aliàs spoliant & capiunt, aut in aliquo supra dictorum modorum vel excessuum contra Ecclesias vel Ecclesiasticas personas exceßerint, seu sententiis excommunicationis, suspensionis aut interdicti, aut aliis modis supradictis se involuerint; Clerici sive in dignitate constituti, sive alii, vel etiam advocati, consilio vel auxilio in aperto vel in occulto non assistant: & qui contra venerint verbo vel facto, sententiam excommunicationis (quam in eos ferimus in his scriptis) incurrant ipso facto, & excommunicati publice, qui de hoc convicti fuerint vel confessi, usque ad satisfactionem condignam nuncientur: & si publice pro hujusmodi personis præsumperint in judicio postulare, earum injurias defendendo, & moniti ab eorum Ordinariis, non destiterint, excommunicati publice, tanquam illi quorum excessus vel injurias nituntur defendere, nuncientur: & aliàs etiam contra eos, si opus fuerit, procedatur: idem statuimus fieri de his, qui usurariis manifestis assistunt patrocinio, vel defendunt eosdem.

* etc.

XXXVI. *Ne Clerici, Capellani Nobilium excommunicatorum, cum ipsis dominis suis * ultra mensem permaneant.* * per.

Statuimus item, ut Clerici seu Capellani dominorum suorum aut Nobilium vel aliarum personarum, quod fuerint, propter aliquem prædictorum excessuum, sententia excommunicationis innodati, dominis suis in hujusmodi injuriis consilium vel auxilium, verbo vel facto, non impendant: alioqui se noverrint eadem excommunicatione involutos.

Præterea ipsos dominos suos, modis quibus poterunt, inducant, ut de eis, pro quibus excommunicati existunt, satisfaciant, & ad reconciliationem sanctæ matris Ecclesiæ revertantur: quod si intra mensem eosdem dominos suos ad hoc inducere nequiverint, ex tunc omnino recedant ab eisdem, nec eis communicent.